



Møtebok for Radøy eldreråd

Møtedato: 12.11.2018
Møtested: Kommunestyresalen
Møtetid: 13.00

Frammøtte medlemmer	Rolle
Norvald Elvik	Utvalsleiar
Magnar Klausen	Medlem
Oddbjørg Dragøy	Medlem
Berit Grindheim	Medlem
Torill Helland	Medlem

Forfall meldt frå medlem:	Rolle
Laila Seilfaldet Pletten	Medlem

Frammøtte varamedlemmer:	Erstatter medlem
Karin Halland	Laila Seilfaldet Pletten

Andre møtande

Arealplanleggar Rolf Raknes i sak 020, økonomisjef Sveinung Kvamme i sak 021, møtesekretær Anne Dahle Austrheim

Underskrifter:

Norvald Elvik
leiar

Anne Dahle Austrheim
møtesekretær

Sakliste

Saknr	Tittel
017/2018	Godkjenning av innkalling og saksliste
018/2018	Godkjenning av møtebok
019/2018	Meldingar og referatsaker
020/2018	Kommuneplan for Radøy kommune - temarevisjon - vedtak om 1. gongs høyring og offentlig ettersyn
021/2018	Budsjett 2019 - handsaming i eldrerådet
022/2018	Politisk styringsstruktur Alver kommune - uttale eldrerådet

Radøy kommune

Saksframlegg

Saknr	Utval	Type	Dato
017/2018	Radøy eldreråd	PS	12.11.2018

Sakshandsamar	Arkivsaknr.:	Dokumentnr.:
Arthur Kleiveland	18/2521	18/16010

Godkjenning av innkalling og saksliste

Saksopplysingar:

Innkalling og saksliste er sendt ut.

Framlegg til vedtak:

Innkalling og saksliste vert godkjend.

Radøy eldreråd - 017/2018**ELD - handsaming:**

Eldrerådet godkjende innkalling og saksliste.

ELD - vedtak:

Innkalling og saksliste vert godkjend.

Radøy kommune

Saksframlegg

Saknr	Utval	Type	Dato
018/2018	Radøy eldreråd	PS	12.11.2018

Sakshandsamar	Arkivsaknr.:	Dokumentnr.:
Arthur Kleiveland	18/2521	18/15917

Godkjenning av møtebok

Saksopplysingar:

Det vert lagt fram møtebok for eldrerådet for 10. september.

Framlegg til vedtak:

Møtebok vert godkjend

Radøy eldreråd - 018/2018**ELD - handsaming:**

Eldrerådet godkjende møtebok for 10. september.

ELD - vedtak:

Møtebok vert godkjend

Vedlegg:

Møtebok eldrerådet 10. sept_2018

Radøy kommune

Saksframlegg

Saknr	Utval	Type	Dato
019/2018	Radøy eldreråd	PS	12.11.2018

Sakshandsamar	Arkivsaknr.:	Dokumentnr.:
Arthur Kleiveland	18/2521	18/16009

Meldingar og referatsaker

Saksopplysingar:

Det vert lagt fram følgjande meldingar og referatsaker:

a. Innspel til budsjett 2019 - tilbakemelding til eldrerådet

Framlegg til vedtak:

Meldingar og referatsaker vert tekne til orientering

Radøy eldreråd - 019/2018

ELD - handsaming:

Eldrerådskonferansen: Berit Grindheim og Magnar Klausen deltok på eldrerådskonferansen i Hordaland. Klausen orienterte frå eldrerådskonferansen i regi av Hordaland fylkeskommune. Han fortalde at mat for eldre var eit sentral tema. Mellom vart det presentert kor viktig det er med god og næringsrik mat på institusjonane, og kor viktig mat er for trivselen. Erfaring med trygghets-sjukepleiar vart også presentert. Ein paneldebatt under konferansen tok for seg temaet om korleis ein kan få fleire over 60 år inn i politikken, med politikarar i panelet. Statens vegvesen presenterte trafikale kurs for eldre sjåførar. Professor Jan Fritjof Bernt orienterte om ny lov om eldreråd.

Velferdsteknologi: Eldrerådet var representert med fire medlemmar på velferdsteknologi-konferansen på Frekhaug. Under orienteringar på fellesmøtet for eldrerådet og råd for menneske med nedsett funksjonsevne orienterte Torill Helland om konferansen. Det vart på konferansen mellom anna framheva at velferdsteknologi skal bidra til meir trygghet, fridom og livskvalitet både frå brukarar og pårørande. Det vart peika på at velferdsteknologi-tiltak må ha god forankring både administrativt og politisk. Dette handlar ikkje om overvaking, men "å vaka over". Menneske og varme hender skal framleis vera den viktigaste ressursen, men velferdsteknologi skal vera eit supplement til anna omsorg / pleie.

I eldrerådet sitt møte vart det også informert om at ei brosjyre om velferdsteknologi skal ut til husstandane i Radøy med det første.

Eldrerådet tok meldingar og referatsaker til orientering, med tillegg sett fram i møtet.

ELD - vedtak:

Meldingar og referatsaker vert tekne til orientering

Radøy kommune

Saksframlegg

Saknr	Utval	Type	Dato
020/2018	Radøy eldreråd	PS	12.11.2018

Sakshandsamar	Arkivsaknr.:	Dokumentnr.:
Arthur Kleiveland	18/2534	18/16005

Kommuneplan for Radøy kommune - temarevisjon - vedtak om 1. gongs høyring og offentleg ettersyn

Saksopplysingar: Bakgrunn

Saka gjeld delrevisjon av Kommuneplan for Radøy kommune 2011-23. Formannskapet er styringsgruppe for planarbeidet.

Planframlegget er ein temarevisjon og vurderingane i planarbeidet er såleis avgrensa til dei tema revisjonen omfattar. Verknaden av temarevisjonen er omtalt i revidert planskildring. Det er også utarbeidd eiga konsekvensutgreiing for dei nye områda for LNF-spreidd bustad eksisterande (LNF-SBE).

Innkomne merknader til oppstart er gjennomgått og vurdert i samband med vedtak av planprogram, KS-sak 010/2015. Merknadane som har vore særleg viktig i planarbeidet er også omtalt i arbeidsmøte i styringsgruppa, FS-sak 045/2018. Begge saksframlegga er vedlegg til og del av saksframlegg til 1. gongs høyring og offentleg ettersyn.

Framlegg til revidert kommuneplan vil i samsvar med framdriftsplan verta lagt ut til 1. gongs høyring og offentleg ettersyn. Høyringsperioden er lovfesta til 6 veker, men som følgje av at høyringsperioden vil gå over jul og nyttår vert høyringsperioden utvida. Høyringsfrist vert sett til 15.01.19

Plandokumenta er no i det vesentlege ferdigstilt, i tråd med signal frå styringsgruppa 04.09.18, FS-sak 045/2018.

Det er rådmannen si vurdering at plandokumenta er utarbeidd i samsvar med Plan- og bygningslova, Kart- og planforskrifta og fastsett planprogram (KS-sak 010/2015).

Rådmannen sitt framlegg til vedtak:

Eldrerådet kjem med følgjande høyringsuttale til kommuneplanen for Radøy – temarevisjon:

Radøy eldreråd - 020/2018

ELD - handsaming:

Arealplanleggar Rolf Raknes orienterte og svara på spørsmål.

Planskildring, plankart og planføresegner er reviderte i kommuneplanen. Det er også gjennomført

strandsone-analyse, som er lagt til grunn i temarevisjonen. Det er også lagt inn omsynssone for kulturminne, slik at kulturminne med størst verd får eit vern i kommuneplanen. Eit viktig grep i kommuneplan-revisjonen er at det no vert opna for tiltak knytt til bustadhus på eigen tomt som no er i LNF (opp til 3 da), tilsvarande praksis som i regulerte område.

Det vart sett fram følgjande felles framlegg i møtet:

Eldrerådet tar kommuneplan for Radøy - temarevisjon, til orientering.

ELD - vedtak:

Kommuneplan for Radøy - temarevisjon, vert teken til orientering.

Vedlegg:

Kommuneplan for Radøy kommune - temarevisjon - rådmannen sitt framlegg

Planskildring utkast KPL delrev 2018 (L)(191506)

KP rev føresegner utkast til offentlig ettersyn 261018 (L)(196432)

Plankart_utkast_25102018_Hoppl (L)(196426)

Plansak 12602013000200 - Kommuneplan for Radøy kommune - temarevisjon - arbeid (L)(191023)

Radøy kommune

Saksframlegg

Saknr	Utval	Type	Dato
021/2018	Radøy eldreråd	PS	12.11.2018

Sakshandsamar	Arkivsaknr.:	Dokumentnr.:
Arthur Kleiveland	18/1479	18/16007

Budsjett 2019 - handsaming i eldrerådet

Saksopplysingar:

Rådmannen legg med dette fram første utkast til budsjett for 2019, med oppdatert økonomiplan for 2019 – 22 i form av eit eige dokument, som er vedlagt saka.

I dette utkastet er gebyrdelen ikkje teken med. Årsaka til dette er at det enno går føre seg utgreiingsarbeid knytt til samordning av gebyr innanfor sjølvkostområda mellom Lindås, Meland og Radøy.

Rådmannen legg til grunn at formannskapet drøftar framlegget slik det ligg føre, og at politiske innspel og føringar vert arbeidd inn i eit nytt budsjettframlegg til møte i formannskapet 22. november. Då vil også gebyrframlegg vera ferdig utarbeidd.

Saka vert lagt fram til eldrerådet for drøfting og vedtak.

Rådmannen sitt framlegg til vedtak:

Radøy eldreråd - 021/2018

ELD - handsaming:

Økonomisjef Sveinung Kvamme orienterte og svara på spørsmål. Han sa at budsjettet for 2019 er det siste som vert vedteke for Radøy kommune, og at dette budsjettet dannar grunnlaget for budsjett for Alver kommune for 2020. Samla rammetimetilskot og skatt aukar frå 292,5 mill. kroner i 2018 til 300,5 mill. i 2019. Den reelle veksten er på 2,74 prosent, i realiteten mindre enn pårekna prisvekst på 2,8 prosent. Rente- og avdragskostnadene aukar ca 3 mill, både på grunn av auka rentenivå og auka investeringsnivå.

Økonomisjefen viste til at netto driftsbudsjett er negativt med 14,3 mill. Botnlina syner likevel eit mindreforbruk på kr 145.796,- etter bruk av fondsmidlar.

Han peika på at straumkostnadene og pensjonskostnadene aukar meir enn prisvekst. Auka klassetal på Manger skule, auka driftskostnader på SFO, og krava til bemanningsnorm i barnehagane gir auka driftskostnader. Det er også betydelege meirkostnader knytt til heimebaserte tenester.

Økonomisjefen sa at det ikkje er funne plass til stilling som ergoterapeut i 2019-budsjettet. Andre meirkostnader er knytt til Nordhordland brann og redning, gratis bruk av Radøyhallen for organiserte aktivitetar for born og unge inntil 19 år, og eingongskostnader knytt til arbeid med ny kommune.

Det er i rådmannen sitt budsjettframlegg lagt opp til investeringar for 139 mill. kroner i 2019. Av dette er 31 mill. investeringar i vatn og avløp. Ny barnehage på Bø står oppført med 47 mill. og oppgradering av Solhall med 25,4 mill, som dei klart største investeringane. Ny garderobe med

universell utforming knytt til terapibasseng og ny heis i terapibassenget er lagt inn med 1 mill. kroner i investeringsbudsjett for 2019. Økonomisjefen sa at kommunen er i dialog med BOF om baderampe for rullestolbrukarar ved Nesvatnet. Det vert også arbeidd med betre parkeringstilhøve for funksjonshemma ved legesenteret.

Det må lånast 120,6 mill. i 2019 for å finansiera investeringane.

Eldrerådet gav uttrykk for at dei er tilfreds med budsjettet og opplever at deira innspel har vorte høyrte.

Det vart gjort følgjande felles framlegg i møtet:

Eldrerådet tar budsjett for 2019 og økonomiplan til orientering.

ELD - vedtak:

Eldrerådet tar budsjett for 2019 og økonomiplan til orientering.

Vedlegg:

Budsjett_2019_rådmannen (L)(196824)

Budsjettinnspel - tilbakemelding til eldrerådet

Radøy kommune

Saksframlegg

Saknr	Utval	Type	Dato
022/2018	Radøy eldreråd	PS	12.11.2018

Sakshandsamar	Arkivsaknr.:	Dokumentnr.:
Arthur Kleiveland	18/2562	18/16317

Politisk styringsstruktur Alver kommune - uttale eldrerådet

Saksopplysingar:

Bakgrunn

Saka skal til uttale i ungdomsråd, råd for menneske med nedsett funksjonsevne og eldreråd.

Mandat for prosjektgruppa for politisk styringsstruktur og lokaldemokrati vart vedteke i fellesnemnda 12.mars 2018.

Prosjektgruppa skal m.a. koma med framlegg om:

- politisk organisering og struktur for Alver kommune
- tal medlemmar til lovpålagte utval
- utval som ikkje er lovpålagte og tal medlemmar til desse
- delegering av mynde frå kommunestyret

Prosjektgruppa har utarbeidd eit utkast til politisk styringsstruktur og reglement for Alver kommune. Dette ønskjer dei at ungdomsråda, råd for menneske med nedsett funksjonsevne og eldreråda i Radøy, Meland og Lindås skal koma med innspel til.

Prosjektgruppa bed særleg om tilbakemelding på følgjande, men råda kan sjølvsagt uttala seg om det ein ønskjer:

- saksområde
- tidspunkt for møta
- kor ofte skal det vera møte
- tal medlemmar

Sak om politisk styringsstruktur og reglement for Alver kommune vil på eit seinare tidspunkt bli sendt på høyring. Råda vil då få uttale seg på nytt.

Rådmannen sitt framlegg til vedtak:

Saka vert lagt fram utan framlegg til vedtak.

Radøy eldreråd - 022/2018

ELD - handsaming:

Eldrerådet i Radøy har tidlegare drøfta saka i fellesskap med eldrerådet i Meland og Lindås.

Dei tre eldreråda har sendt inn felles innspel til organisering av eldreråd i Alver kommune:

Eldrerådet i Alver skal ha ni medlemmar, tre av desse er valt frå kommunestyret. Dei øvrige seks valt i kommunestyret etter framlegg frå pensjonistlaga i kommunen

Eldrerådet vel leiar og nestleiar.

Ved etableringa av rådet i ny kommune er pensjonistlaga sitt framlegg at to må koma frå Lindås, to frå Meland og to frå Radøy, og med tilsvarande val av personlege varafolk. Dei tre som vert valt frå medlemmane i Alver kommunestyre må óg representera underutvala i kommunen (teknisk/leveskår/næring).

Eldrerådet er eit rådgivande organ som skal behandla alle saker som gjeld levekår for eldre i Alver kommune. Eldrerådet må bli tidleg involvert slik at ein kan koma med uttale og anmodning før politiske vedtak skjer i kommunen.

Kommunen må syta for at rådsmedlemmane får opplæring i eldrerådet sin funksjon og rolle, og at rådet si rolle ikkje vert svekka i forbindelse med kommunesamanslåinga.

Eldrerådet i Radøy vedtek det felles innspilet frå dei tre eldreråda i dei tre Alver-kommunane.

ELD - vedtak:

Eldrerådet i Alver skal ha ni medlemmar, tre av desse er valt frå kommunestyret. Dei øvrige seks valt i kommunestyret etter framlegg frå pensjonistlaga i kommunen

Eldrerådet vel leiar og nestleiar.

Ved etableringa av rådet i ny kommune er pensjonistlaga sitt framlegg at to må koma frå Lindås, to frå Meland og to frå Radøy, og med tilsvarande val av personlege varafolk. Dei tre som vert valt frå medlemmane i Alver kommunestyre må óg representera underutvala i kommunen (teknisk/leveskår/næring).

Eldrerådet er eit rådgivande organ som skal behandla alle saker som gjeld levekår for eldre i Alver kommune. Eldrerådet må bli tidleg involvert slik at ein kan koma med uttale og anmodning før politiske vedtak skjer i kommunen.

Kommunen må syta for at rådsmedlemmane får opplæring i eldrerådet sin funksjon og rolle, og at rådet si rolle ikkje vert svekka i forbindelse med kommunesamanslåinga.

Vedlegg:

Reglement Alver kommunestyre - UTKAST